

岳州府巴陵縣名宦表

駐劄

吳周魯肅瑜
晉陶預或肅
梁何無忌永
宋岳飛
明王宗濬

郡守

蜀楊顯
唐張說
五代張建封
宋許德勳
王贊
滕宗諒
朱顯之
朱壽昌
張汝明
韓公裔
袁植
黃何
范琮
李曾伯
元壽童海牙

郡屬

唐賈至
宋陳執中
魏宏
柳拱辰
范致明
張叔振
王樞
蕭淵
石光
王端
包有暉
蕭定基
周鈍
牛諒
李克嗣
李希範
明林

縣令

晉潘京
宋李轍
明郎文
邵棠
王維
許蟠
王夔龍
余自強
曾祐
安汝盤

縣屬

宋程綯
明葉世杰

教職

宋李燔
陳有洗
元王恒
明龔訥
胡淮

武職

明朱亮
劉玉
劉釗
劉翔
房馬昂

巴陵縣志

卷之十六

名宦上一

明唐庸

柴車
楊謹行
毛祥
吳節
李鏡
張金
張舉
黃異
王儼
顏德掄
李時漸
韓士英
蕭晚
陸瑯

陶宗孔
戴吉人

連應鄭
邵廷琦
夏景耀
于濂演

唐調
趙世
廖貴

古通今
徐子有
汪特昌
馬嘉申

國朝
李愨

王篤慶
蕭翱材
趙士璜

葉芳槐
倪奐

李遇時 張信 許玠 黃凝道 孫廷槐 傅顯 陳道耀 蘭錫 鳳翔 錫麟

張萬言 董昭祚 張萬壽 李鍾麟 僧閣圖 徐升貞 吳敦儀 趙世晉 朱紉蘭

張世芳 薛澍 王居正 黃哲

倪志 張世任 楊夢佐 楊兆儒 王清 袁文芳 申大用 吳思樹 孫篤周 趙篤璇 歐陽鼎象

論曰人物內也名宦外也人物內名宦也名宦外人物也二者皆有功德於時可以入國史而享廟食焉者郡縣設立名宦鄉賢二祠誠重之也古聖王之制祭祀法施於民以死勤事以勞定國能禦大菑能捍大患皆與於祀名宦鄉賢

巴陵縣志

卷之十六

名宦上二

之立正此意也岳郡名宦志首駐劄而子敬元凱士行諸公不與焉蓋祭有所止駐劄非專官不僅為郡宦故郡不敢及亦猶郡宦縣不敢及也所可異者名宦志約八十餘人而入名宦祠者郡十五邑十四而已人物志約六十餘人而入鄉賢祠者郡六人邑三十人而已豈鄉之縉紳家有未盡呈後來守斯土者未盡題請與抑秩有崇卑跡有顯晦人品之賢有低昂也或者功德之在民間者有大小也嗟夫士大夫學古入官非實任是職者不得與於秩官得與於秩

官矣或不得與於名宦得與於名宦矣或不
與於祀典君子之至於斯也當思所以自措其
身而鄉大夫鄉先生之名在選舉者其亦知所
守也夫

巴陵縣志卷之十六

名宦上

名宦無崇卑凡一命之士有行能足以不沒卽可信今而傳後岳郡駐劄多顯官忠實如子敬智畧如元凱綏懷如士行神勇如忠武固一時表著者而任民社之責竭撫字之勞則守令之績爲多他如閒曹佐職冷員將吏或督漕務或理園土或謹模範或備干城有裨國計民生人心風俗者不可不備書作名宦志

府屬名宦

按多省名宦兩漢以前無聞省府縣志遺漏甚

巴陵縣志

卷之十六

名宦上 四

縣志更雜而無章今悉次第補之

駐劄

巴陵附郭例應詳府名宦志一準秩官

三國吳周瑜字公瑾廬江人孫策以瑜爲中護軍留鎮巴邱權拜瑜爲偏將軍領南郡太守以下雋漢昌瀏陽州陵爲奉邑瑜詣見權乞與奮威俱進取蜀權許之瑜還江陵治行裝道病卒於巴邱見

吳志

按丙寅府志云考孫策將吳尚未定江夏在

今巴陵名同異處此說本裴松之三國志註但而

巴邱漢係長沙下雋縣地三國吳殆名

魯肅字子敬臨淮東城人與周瑜定僑札之分孫

權以肅為贊軍校尉助瑜畫方畧瑜病上疏云
肅智畧足任乞以代瑜即拜肅奮武校尉代瑜
守瑜奉邑皆屬焉肅初任江陵後下屯陸口恩威
大行衆增萬餘人見吳志巴邱以紀魯肅以萬人屯
實曾駐劄於此明時吳志載肅增築郡志載肅興
巴邱築劄閣城其時吳志載巴邱為重鎮宜其大興
雖本傳無水經注而志載不誤城廟祀子敬歷代
不以廢有

萬彧孫皓時拜右丞相繼魯肅留鎮巴邱前後數
年見吳紀按萬彧他無可考其代肅鎮巴邱國勢
想見其可以

巴陵縣志

卷之十六

名宦上五

晉杜預字元凱杜陵人咸寧中拜鎮南大將軍都
督荊州諸軍事在鎮講武修學置屯據要激水灌
田公私同利舊水道唯沔漢達江陵千數百里北
無通路又巴邱湖沅湘之會表裏山川實為險固
荆蠻之所恃也預乃開揚口起夏水達巴陵千餘
里內瀉長江之險外通郴桂之漕南土歌之曰後
世無叛由杜翁孰識智名與勇功見晉書按元凱
駐劄巴陵然巴陵水利元凱之功莫大焉今之漕
弦劄北引長江逕華容縣南入湖其時郴桂之
運荊州俱由調弦口出會洞庭長江之險荆岳
相通亦實稱便不獨他屬尸祝社稷不廢也
陶侃字士行鄱陽人建興間表拜為寧遠將軍杜

弢之亂其將王貢誘五溪蠻向武昌侃使鄭□□
延夜趣巴陵大破之貢走湘城勢屈而降弢遂敗
侃後都督八州軍事以江陵偏遠移鎮巴陵旋於
巴陵移鎮武昌綏懷有道甚得楚郢人心見晉書
按史稱侃亦未嘗駐劄於此侃之鎮武昌及長沙此其所屬也

紀立其祠凡見於事紀者郡縣志宜各

司馬承□剛王遜子嗣王大興初領左軍將軍監
湘州諸軍事湘州刺史王敦構難承馳檄湘州指
期至巴陵一州之內皆同義舉敦遣魏乂等甲卒
二萬攻承承且戰且守而城池不固人情震恐相

巴陵縣志

卷之十六

名宦上

六

持百餘日城遂沒乂檻送承於道中害之敦平詔

贈車騎將軍見晉書

按大興晉元帝年號指期猶

城池也又承與丞通

何無忌東海郟人桓元篡逆武陵王遵以無忌爲
撫國將軍南追元與劉毅等破走元於崢嶸州進
據巴陵元從兄謙等乘間陷江陵無忌進軍破走
之侍衛安帝還京義熙二年遷督江荆二州江夏
隨義陽等八郡軍事江州刺史見晉書按義熙年

自大興至義熙百餘年之內承與無忌一在巴陵
以義舉死一在巴陵以義舉起如二人亦足步
杜陶之後雖均未駐劄此地而功
績難沒特檢晉書以補舊志之闕

南北朝梁王僧辯字君才太原祈人元帝時侯景西寇軍次夏首僧辯爲大都督軍至巴陵乘城固守景軍苦攻城內矢石雨下賊乃引退命卽率巴陵諸軍討之景遁擒其帥宋子仙賊平見南史僧按

辯乘城固守卽巴陵城也以上事皆詳見兵事紀

宋岳飛字鵬舉湯陰人紹興二年十二月鍾相餘黨楊么出沒荆岳鼎澧間命李綱劉洪道討之三年五月又命折彥質往皆未克五年二月丙戌張浚爲都督五月浚以楊么據洞庭湖實占上流不先去之爲腹心害奏請自行許之時已命湖南制

巴陵縣志

卷之十六

名宦上七

置使岳飛往討戊戌飛遣降人楊華入賊招安潛結么黨六月甲辰賊將楊欽率三千人詣飛降先是浚欲俟來年議之飛曰已有定畫八日之內當俘諸酋果八日而賊平見宋史事詳見事紀按忠

八日平賊卽奉詔赴鄱陽平楊虎亦未嘗久駐巴陵自來戰功無神速於此者數年巨賊一旦授首
忠武之功於茲土甚大

薛弼字直老溫州人政和二年進士靖康初改湖南運判楊么據洞庭寇鼎州命岳飛討之么陸耕水戰樓船十餘丈官軍仰視不得近弼曰彼之所長可避而不可鬪今天旱湖水落洪連筏斷江口

藁其上流使彼之長坐廢而精騎直搗其壘則口
壞在目前矣飛曰善兼旬積寇盡平進直秘閣時
道殫相望弼以聞帝惻然命給錢六萬緡廣西常
平倉米六萬斛鄂州米二十萬斛賑之民賴以甦
見宋史其岳忠武八日之功張浚董其成薛弼參
抵積寇劫掠之害為多一言之善萬眾獲
甦薛氏之德與忠武之功並垂不朽矣

明王宗濬晉江人嘉靖間任江防令事駐劄岳州
歲大饑與知府陸埏籌得米若干石興修學校以
工代賑民賴全活舊入郡宦祠見郡志自周至

此十一月或數日惟王宗濬實係駐劄者由其功德在年久

巴陵縣志

卷之十六

名宦上八

而不忘不分駐與不駐也舊府志俱以憲蹟統之者此也

本朝李愷字素心華亭人壬辰進士由嗣部督中州
學政丁母艱服闋補湖廣上江防道兵備僉事分
巡岳常長衡四府順治十五年蒞岳政尙寬平兵
燹之後鎮之以靜王師自滇凱旋雲屯霧集供
億宿辦市肆不驚公決獄多平反夏旱步禱得疾
卒卒之日猶以首叩枕語不及家事翌日大雨歲
有秋民以為公之賜也哀思不忘舊入名宦祠見

周元功碑記李華亭省府縣志及名宦祠皆

郡守刺史遺也太守見縣志者凡省府志之遺者著云見

□□志者□□則□□俱有矣□
□□其下

蜀漢楊顥字子昭襄陽人爲巴陵太守諸葛亮□
爲主簿亮常自校簿書顥直入諫曰爲治有體上
下不可相侵故古稱坐而論道謂之三公作而行
之謂之士大夫今明公爲治乃躬自校簿書流汗
終日不亦勞乎亮謝之見三國志按子昭爲巴陵
沙州之時周魯未駐鎮巴邱之先也是時巴陵始爲吳
巨鎮而蜀漢不復置守矣

唐張說字道濟河南洛陽人舉賢良方正策對第
一補闕直言不諱元宗立以佩刀獻帝請先決策

巴陵縣志

卷之十六

名宦上

九

定太平公主之亂召拜中書令封燕國公後罷爲
湘州刺史移岳州說爲文屬思精壯長於碑志世
所不逮既謫岳詩益悽惋人謂其得江山之助云
見唐書舊入郡宦祠按新唐書多不符此舊唐
崇相不平罷爲相州刺史河北道按察使相州明岳
州相不平罷爲相州刺史河北道按察使相州明岳
坐累徙岳又別有事故不誤
姚元崇也舊書不能無遺誤

張建封字本立南陽人客隱兗州喜文章慷慨尙
氣代宗時馬燧表其能於朝楊炎將任以要職盧
杞不喜出爲岳州刺史十三年來朝帝召見延英
殿建封賦朝天行以獻帝眷□異等賜宴曲江特

詔與宰相同榻食還鎮帝以詩餞因病求代詔
夏卿代之見唐書一按省府志唐人宦蹟惟燕國八

聞之代爲岳州刺史秩官亦無

五代許德勳馬殷時爲岳州刺史吳將冷業屯平

江楚王殷遣德勳將兵拒業至朗口使善游者五

千人以木葉覆首持長刀浮江而下夜犯其營業

軍驚擾大破之擒業官至右丞相見五代史按割五

據馬氏岳州屬楚馬殷一方所謂刺史原不足錄於

漢之役用兵有足多者詳見兵事紀也

王贇馬氏舊將馬希萼攻岳州贇拒之五日不克

巴陵縣志

卷之十六

名宦上十

希萼使人謂贇曰公非馬氏臣乎不事我欲事他

人乎爲人臣而懷二心豈不辱其先入贇曰亡父

爲先王將六破淮南兵今大王兄弟不容贇恐

淮南坐收其斃一旦以遺體臣淮南誠辱先人耳

大王苟能釋憾罷兵兄弟睦好如初贇敢不盡死

以事大王兄弟豈有二心乎希萼徹去見五代史

按王贇時爲岳州刺史一言之善使人骨肉冰釋

其弟不喻也惜乎馬氏兄弟

宋楊旼字樂道保靖軍節度使重勳之曾孫進士

及第以大理寺丞知岳州慶三年湖南徭人唐

和等劫掠州縣擢殿中丞提點本路刑獄專治盜賊事募才勇深入卒平六峒畋性清介自奉甚約爲郡待客雖監司菜果數器而已見宋史按清介畋性清足以理刑獄惟介足以憚強禦平獠之功威望所及者遠矣

滕宗諒字子京南陽人與范仲淹同舉進士歷官殿中丞○罷火災詔獄請章獻太后還政有聲後元昊反宗諒知涇州乘城招募勇敢謀知寇遠近及其形勢檄報旁郡使爲捍衛○天陰晦人情憂沮宗諒大厚撫之邊民稍安擢天章閣待制御史○堅追○前費公錢十六萬遣中○視適范仲

巴陵縣志

卷之十六

名宦上

十一

淹志○力救之降一官知虢州中丞王拱辰復論徙岳州在州建學育才百廢具興築偃虹隄千丈以捍洞庭之險重修岳陽樓以壯大觀岳人頌之見宋史舊入郡宦祠按凡地之事亦不盡見於史之○史載滕太守好事其在岳之宦蹟無聞焉如偃虹隄則求記○史利民其虛心善無聞焉如偃虹隄則求記○於交忠非不能文者誠可爲士大讀夫法矣畧

朱顯之初爲華容令縣多水災議徙弗果至和間以比部郎中知岳州竟成厥志見舊縣志按朱顯

志以也未考至和宋仁宗年號其繼滕子京而蒞茲而土者乎華容之城亦一縣令不幸也

朱壽昌字康叔天長人父巽守京兆尹妾劉氏生壽昌方娠而出至數歲仍歸父家以蔭守將作監主簿累調權知岳州州濱重湖多水盜壽昌籍民船刻著名氏使相伺察出入必以告盜發驗船所向窮討之盜爲少弭旁郡取以爲法後知廣德軍熙寧初與家人訣棄官訪其出母迎以歸京兆錢明逸以事聞詔還職由是以孝聞天下官至司農少卿見宋史按熙寧在宋神宗年號其棄官與還職俱非

今□做□意以船
□船法之至善者

張汝明字藝文廬陵人徙居眞州刻意屬文舉進

巴陵縣志

卷之十六

名宦上 十二

士歷官州縣簿丞凡二十年大觀中爲監察御史疏劾政府有聲蔡京憚之坐責漢陽判官最晚知岳州屬邑得古編鐘求上獻汝明曰天子命我千里懼不能仰承德意敢越職以倖賞乎後卒於官見宋史按明乃一統志汝明字舜祖與史異又按大觀乃徽宗年號時徽宗已立八九年矣天下直齋書目解題舜祖作舜文著易索十三不容也

卷元祐壬申進士爲御史
省郎游酢定夫志其墓

韓公裔開封人以三館史補官充康王府內知客累官岳陽軍節度使卒贈太尉裔早著忠藎爲天子故人惡黃潛善秦檜當時稱其知所向方見萬

姓統譜陽宋時節度使甚小非如唐之方鎮也口

袁植字材老無錫人登崇寧進士第詞學兼茂科

為監察御史金人入寇陳邊防十三事以誅佞人

為先不納引疾歸建炎間召為左司諫直言忤宰

相黜守岳陽會虜騎大入叛臣李允文擁眾怙亂

植條奏其狀遂遇害允文誅贈直龍圖閣見萬姓

統譜政袁植先後在京師中間在岳不知久亦無他

二人皆舊省府縣志所遺今檢姓譜補入

黃何字景肅休寧人乾道中進士調大冶簿邑湖

中三山產鍊尉巡警盜鑄者四千人起為敵何至

巴陵縣志 卷之十六 名宦上 十三

匹馬往諭焚其具一境晏然延朱子門人萬人傑

為學者師俾知趨向後知岳陽以廉謹稱諸僚屬

憚之歷官朝議大夫見通志通志太畧今從舊

盜按省師俱非在岳道中調大冶簿此府志載乾道中進

士疑即以其進士調大冶簿由是擢起者其知岳州未定何時也

范琮字知聞延平人知岳州軍有善政岳人立去

思碑於乾明寺見府志

李曾伯覃懷人嘉熙間知岳州軍多善政暇日則

登樓賦詠嘗為岳陽樓記一時傳誦見明一統志

〔元〕壽童海牙蒙古人至正間為岳州總管崇簡汰

刑庾政克舉按元時總管故類紀宋之

明唐庸寧夏人洪武間知岳州府廉介有為廢墜

咸舉後官至叅政有事交趾卒子孫家於岳舊入

郡宦祠見通志按有於事交趾皆為叅政時事其子孫無

歸也

柴車錢塘舉人建文時以職方郎中知岳州府岳

有江湖之險官船往來役民挽送車立法公私皆

便之暇則至學與諸生講論行視田間賞勤而戒

惰三載郡大治後宣德中屢立戰功官至尙書見

通志按建文立戰功德中間二十餘年

巴陵縣志 卷之十六 名宦上 十四

楊謹行江西鄱陽人永樂初知岳州惠民造士政

教兼舉不事威嚴而人自服舊入郡宦祠見明一

統志

毛祥河南西平人進士正統間知京山縣清心蒞

政陞岳州知府官至右叅政見舊縣志省府志俱

吳節四川眉山人成化初知岳州府增修郡邑庠

序倡議建大荆驛以均道里親督舟師禦洞庭流

寇尤勤於旌獎善類民俗化之其時楊一清應寧

甫八歲節一試以奇童薦於朝後為社稷臣人頌

其有知人之明舊入郡宦祠見通志按吳節通志

序建大荆驛又查成化初節□□修其時振圍建觀廢□不
及博士廨□□化署□□修其時振圍建觀廢□不
能一而足志不
能備述也

李鏡字文明江西弋陽人進士成化十九年以刑
部員外知□州府廉明平恕治尙實行修學校葺
倉庾築永□隄四千丈以捍廬舍因隄蓄洩墾隰
爲田者數百頃民利無窮嚴於緝盜有積匪出沒
湖中□□擒其渠魁餘黨悉散政聲大振岳人立
祠祀之舊入郡宦祠見明一統志按庭偃虹隄捍洞
池之固永濟隄捍洞庭之下流爲田廬之利宋明
兩朝興此二大役今皆無一存者文忠云作者未
始不欲其久而繼者
常至於殆廢不其然乎

巴陵縣志

卷之十六

名宦上

十五

張金廣德州人宏治間知岳州府以廉慎著築南
津港隄尤勤荒政禱雨致疾而卒岳人哀之見通
志

張舉字孟賢欒城人進士以尸部郎監草廠繫其
馬不令嚙官草早著清聲正德初知岳州府蔬食
布袍勤於吏治毀諸淫祀以巴山廟爲公署五顯
廟爲書院慈氏廟爲便民倉作諭屬法一冊勉相
率守發奸摘伏人稱神明卒於官囊篋蕭然岳人

尸祀之舊入郡宦祠見明一統志按五顯省志作

岳志載五顯廟在縣南天院□□傳云改爲書院是□□

□□□□□□無考或□□天岳

黃巽鄞縣人進士正德間以刑部郎知岳州□□
幹有為振興學校見府志

王儼字士望江□人篤志好學宏治乙丑進士擢

南京刑部主事性峭直不可干以私有權要子殺

人論如法陞郎中執操愈嚴出守岳州以直道不

容拂袖□□高節人咸重之見楊州府志

顏德□字天效袁州安福舉人嘉靖間知岳州府

剛介寡與絕私謁豪強畏之見通志按通志府志今府志見

無之疑舊有而後脫也安福舊乃江西袁州之安福非今禮州之安福舊混今補之

巴陵縣志

卷之十六

名宦上

十六

李時漸壽光人進士戶部郎中遷岳州隆慶三年

同分守叅政馮成能檄知縣李炤修理華容□□

先是前守□繼曾知事劉世科經歷冉夔分理未

竣至是始□□華容縣志

韓士英字廷延南充人進士嘉靖間知岳州府溫

雅有度政尙明恕修舉廢墜不擾於民官至戶部

尙書見明一統志

蕭晚字啟□江西吉水人進士嘉靖間知岳州府

廉靜簡約□易近民創名宦鄉賢節烈諸祠振起

風化官至廣東布政使司見通志

陸垹字秀卿嘉善人進士嘉靖間歷知常德武昌移岳州府坐事誣閒居數年復職視事清介自持政尙大體甲辰歲大饑先籌得米若干石興修黌校以工代賑既又疏於朝支藩庫銀數萬兩發諸州縣倉廩改南京九永錢糧悉充賑貸轉長沙漕以濟兵食覈巴華饑尤甚者按月加賑自秋至明年夏乃已復爲酌給牛種計所出銀粟十餘萬垹皆親行下邑悉心籌畫民沾實惠御史上其事詔進京秩四品後入爲太僕卿於洋子江遇盜詢爲垹咸護之出險岳人家書其銜祀之舊入郡宦祠

巴陵縣志

卷之十六

名宦上 十七

見府志按舊自顏不詳其掄以下四人皆嘉靖間任府事甲辰年荒政乃嘉靖二十三年差可考耳又志載見通志今通志中無之疑亦舊有而後脫也又按自嘉靖甲辰至本朝順治初中間一百餘年豈無一賢良太守可紀者其爲殘闕也多矣

國朝諸保宥字六在毘陵人順治乙丑進士由荊州知府移岳州荆人焚香遮道送者數百里及蒞岳值大兵駐澧軍需旁午刻期卽辦禁詞訟與民休息以誣被逮尋放還岳以民間積逋不及額候代

六載行李蕭然見通志按湖南通志保宥云朝郡守

江縣志府志及巴陵舊志俱無之但平江縣志云係順治乙丑進士考順治十八年無乙丑年分疑

卽乙酉之譌乃順治二年也

李若星字燦辰寧陵人順治六年以工部郎出知岳州府時兵燹之後城郭邱墟又值軍需旁午若星果毅有爲招徠安集經營猝應屬吏所不能者悉以身荷之修復郡庠創設義學每季課拔其尤梓有文韶集一時文教振興見通志按是時戶口雕敝又遇亢旱若星承彫之風之餘教養兼至有投戈講藝之餘

王勤民字兆傑直隸人由舉人歷官刑部郎時蘇州諸生以逋餉被逮者數百人會暑月勤民爲寬其繫力言於司寇省株連餘亦未減賢聲大振康熙四年出知岳州府廉靜自持政崇大體修葺公

巴陵縣志

卷之十六

名宦上

十八

宇功成而民不擾會督學按岳勤民提調屬絕徑竇法有不便士子悉爲請命期年去行李蕭然見

通志

按

王勤民四年到任五年修府署六年卸事前後但二年

蘇之升字曦庵休寧人拔貢康熙六年柳州郡丞遷岳州太守條列闔屬積逋疾徐有法訟至諭以大義咸得其情而止兵燹之餘士風不振乃觀風視課與諸生講題論義理本大全宗先正終日不倦時司李監司初裁諸務畢萃於太守公游刃有餘未嘗以諸務殷繁而少懈也見舊縣志按康熙

上江防及岳州府理刑推官李即理刑推官
監司即江防道岳州府二職故諸務畢集於府此省

府志所遺茲從
舊縣志補入

李遇時字雨若遼陽人初由冬官擢知保德州事
以軍功著績能騰聲於山石康熙十八年知岳州
府當戎馬蹂躪之後招集流亡軍書旁午一以簡
靜勝之軍無庚癸之呼民無輟耕之嘆時平江積
逋無算遇時召士民曉以大義懲奸胥包攬者民
盡樂輸先是逆孽陷郡府巒在瓦礫荆棘中公請
於上捐貲倡修并葺岳陽樓獄訟平反必得其情
民自以為不冤見通志按是時吳逆據岳城相持五年吳應奇遁岳州始

平復繼以大旱李公一至誠若
時雨舊志甚畧茲從通志補之

巴陵縣志

卷之十六

名宦上

十九

張信字敬庵潯陽人由甲午拔貢任淇縣令撫綏
瘡痍招集流亡民樹碑建坊至今不忘遷光州牧
轉刑曹郎康熙三十六年出守岳州仁慈廉潔體
士愛民修府義學以育人材創炎帝祠政簡刑清
後陞陝西監司見舊縣志以下二人皆
省府志所遺
許玠字時元奉天人英姿卓越才猷敏捷少即練
習吏治由監貢授江西饒州郡丞康熙五十三年
轉岳陽太守洞悉民隱釐奸剔弊果毅有為案無
留牘正身率屬興學課士苞苴不行人不敢干以
私修學校建亭閣鑿北濠無一不為民計見舊縣

志按許太守以康熙五十年到任其時及正續
節從舊縣志 特從舊縣志 節畧補入

黃凝道安徽休寧人入貲補工部郎中遷岳州知
府在任五年綱紀肅然屢興土木修葺學宮書院
郡署及春秋二祭禮器樂器郡治煥然一新聘名
士纂修郡志後陞擢去

孫廷槐浙江仁和人乾隆十五年以翰林編修除
岳州知府在任八年作育人材士風丕振性和緩
政務毫無怠弛遷湖北荆南道仕至河南按察司
傅顯鑲紅旗人潔己愛民居官持大體後仕至漕
督緬甸之役協理軍事卒於官在任數年初不見
德而恒多去後之思

巴陵縣志

卷之十六

名宦上

二十

陳道耀浙江山陰人援例佐縣稍選至江南縣令
議敘授衡州知府調補岳州明於吏治察奸摘伏
毫無遁情在任一年竟以宰縣時失出事被黜尋
復授武昌知府

蘭第錫山西吉州人乾隆三十六年爲岳州守事
父至孝迎養官署每事曲體親志在任四年躬行
節儉內外絕無華飾罷宴會齋厨索然公正有守
人不敢干以私遷江西贛南道父卒奪情補南河

道尋授河督乖三十年歿於官公始以孝廉爲□
博轉縣令擢郡守受

聖明特達之知致身通顯恪勤如一日囊橐一無所
有

鳳翔滿州人在任四年正己率屬寬厚不事苛察
人咸敬服之後調長沙知府陞岳常澧道

錫麟蒙古人在任五年矢公矢慎勤勞不倦投狀
立親剖決案無留牘後以被議去

郡佐

唐以前無考凡同知司馬通判叅丞之職皆統此

唐賈至字幼鄰洛陽人爲中書舍人元宗時知制

巴陵縣志

卷之十六

名宦上

二十一

誥貶岳州司馬

唐時刺史猶同知也

宋陳執中字昭譽恕之子累遷知梧州上復古要

道三篇眞宗異而召之時上春秋高莫敢言建儲
者復進演要三篇以蚤定天下根本爲說擢右正

言逾月立皇太子遂駸駸向用俄坐御試進士卷

謬貶監岳州酒務見宋史

宋時有岳州酒務官即酒稅也舊府縣志酒

務名宦但載范晦叔一人今檢宋史補入

魏宏字捐之景祐中第進士爲岳州司理有囚閉
口不食宏曰吾能立使之食乃引問曰塞若鼻能
久不食乎囚懼承訊服罪人問其故曰彼必善服

氣塞鼻則氣閉故懼後遷朝奉郎見萬姓統□以上
二人皆舊省府縣志所遺者

柳拱辰青州人避地武陵學易及春秋三傳慶歷間進士通判鄂岳二州致政有歸老橋曾子固作記見舊縣志按柳青州省府志皆遺今從舊縣志補入

先後無考

范致明字晦叔建安人元符進士監岳州酒稅窮博經史以直道不容於時三謫江湖四由外官所至必覽山川考古今人物風俗在郡撰岳陽風土記見通志按晦叔通志誤作晦安又誤作晦升文獻通考藉志岳陽風土記共一卷今

巴陵縣志

卷之十六

名宦上二十二

作二卷又直齋書錄解題作宣德郎監商稅危致明疑卽范字之誤

王樞字致榮南昌人高宗時補岳州丞詣學宮講論諸生雲集徙鼎州會茶寇亂樞建議爲長短引以便負販百姓頌之見通志按宋時佐貳得預學官講論亦盛事也

張叔振字振之長溪人乾道中進士一時衣冠之士多出其門累官至蒲城縣通判岳州入朝四遷爲大府丞凡三登對所言皆當世急務上深嘉納而一時權貴忌之出知信州卒見宋史按張振之舊省府縣

志所遺今從宋史補入

蕭淵廬陵人寧宗時襄州兵亂淵以通判攝州軍

事措置整肅外壓湖寇內扞江南一時賴焉見舊

縣志按府志蕭淵亦省

石光岳州通判有功德及人後寓大雲山卒民思慕之立祠祀焉見明一統志

王端岳州司法叅軍時荆湖饑民多攫食犯法詔有司治獄以五月為斷過此無赦端曰法斷五月謂麥可食也荆湖無麥請以八月秋穀登場為斷許之於是矜釋者眾見通志按王司法寬三月之限全萬姓之命近來因飢荒攫食犯法者多矣此法可推行也

包有暉字實夫浮梁人為岳州刑椽居官廉慎門

巴陵縣志 卷之十六 名宦上 二十三

無私謁尤能體恤獄囚時人稱為包天堂見通志
蕭定基廬陵人為岳州推官纍纍多惠政累遷監察御史郡人頌之見舊縣志按蕭定基亦省府志所遺自張叔振以下六人俱無於後

明周鈍山陰人正統間岳州通判清廉正直賢聲上聞擢刑部郎舊入郡宦祠見通志

牛諒項城人景泰間岳州同知勤於治事開墾瀕江蘆場百餘頃民賴其利舊入郡宦祠見通志按瀕

江蘆場即今濠溝瀕江一帶也

李克嗣內江人嘉靖初岳州通判嚴明廉介造士

愛民擢知隨州見明一統志

林希範字敷政莆田人嘉靖間由舉人歷官漢陽同知移岳州貌若不勝衣而臨事果斷不可撓督賦平江豪右奉法積逋悉清入覲不攜方物廉聲著於一時見府志按同知督賦謂屯賦也自來屯賦惟平江最少而又最難故獨

言平江不及他縣

陶宗孔全州人崇正間岳州推官在任九年狷介有為始終如一楚南漕運素苦軍衛臨兌強索甚至毆傷人命宗孔立請正法嚴立章程釐剔諸弊三郡德之舊入郡宦祠見通志按時長沙衡州荆岳

巴陵縣志

卷之十六

名宦上

二十四

地近易於約束三郡者謂長衡荆也維艱志所謂

戴吉人武進鄉貢崇正十六年授岳州司理布衣蔬食清苦如諸生聽訟明決試士力拔孤寒甲申後闖獻餘氛蹂躪鄉里吉人單騎赴鄉團練義勇躬荷戟以禦賊遭賊攢刺幾不得脫猶奮勇力戰手刃數賊潰圍赴星沙至今偉之見通志按司理無試士

之責其所云試士疑府縣有故暫為攝篆耳又按明郡佐僅六人嘉靖二正統景泰各一洪

武之時及隆萬以後無聞焉府志并遺漏李戴矣

國朝連應鄭字海涯樂安人順治十八年授岳州推官案無滯牘時用兵西山檄運芻糧應鄭刻期而

辦嘗督民夫三千至九灣溪水暴漲不得進應鄭令伐篁爲纜募善泅者繫之彼岸衆遂渡公餘之暇與多士講論文史以裁缺去岳岳人廣五賢祠爲六賢祠並祀之見通志按康熙六年始裁去推官連在任已六七年矣

五賢六賢詳見郡祀志

邵廷琦字二韓蘭谿人明經官岳丞駐新隄公庭闐然日掃室視書焚香煮茗清供如世外人無意仕路應接溫雅殆吏隱者西山用兵躬親行陣有功見舊縣志按邵在岳無年月可紀秩官志載順治十六年任以西山之役考之疑與

□海涯同時在岳者

巴陵縣志

卷之十六

名宦上

二十五

夏景耀字釋光廬江人明經康熙四年由儀隴令遷岳丞甫二月丁艱候代兩年餘新隄民喜爭鬪盜賊蠡起公臨御有法市賴以安奉上官清理臨湘積逋及華容旱災士民稱之見舊縣志按清國初

同知駐劄新隄康熙十九年移入府城

于濂演字驪源藍田拔貢誠信接物得聖門主敬之學臨任未幾從征西山數年不避艱險轉運應時已復運餉滇中當路嘉其能尋歸囊□蕭然士

民思之見舊縣志

按志不詳所任何職以秩官考之乃岳之通判以西山之秩官考

之大抵康熙初年與連邵同事者

張萬言字升書奉天海城人賦性坦率與人語洞見肺腑訟至咸諭以理使自悔無情者望公憚之果決有爲以廉率屬望公丰采無不以三尺自凜公庭閒靜以丁艱解任按秩官張升書任清軍同知不詳其年舊列於董昭

祚之前大抵在康熙一二十年之間

董昭祚字子融奉天人康熙二十年任岳州少練達敏於吏事公庭讞決平允以避嫌改遷去郡郡人焚香遮道有攀轅臥轍之風見舊縣志

張萬壽字鶴秋山西浮山人以拔貢歷授鞏昌同知康熙二十一年遷岳潔己愛民設施有條訟獄

巴陵縣志

卷之十六

名宦上

二十六

嚴飭政簡刑清案無滯牘擢維揚郡守見舊縣志

李鍾麟字玉書武定人少好學工詩古文天姿明敏才識開濟初筮岳州清軍府丰采凜烈吏不敢欺署篆巴陵值武昌夏逆之變風鶴驚傳公激以大義誓相固守官軍東征戒舟航備芻糗捐金助資無擾於民兵燹之後衙署寥寥乃拓舊構新獨任其勞不費民財在岳三年遷潮州郡守去之日

人咸思之見舊府志

按李鍾麟有修清軍衙署記見藝文丙寅府志藝文與名

宦皆未載今補入

僧閣圖字某滿州人風規整肅簡靜不繁有速訟

者與之休息愛民育士俱見至意見舊縣志張升口

書以下四人皆同年知僧閣
圖係康熙二十四年任

徐升貞字映伯浙江海鹽人才幹敏捷聽訟明平

摘奸發伏萑苻斂跡殫心儲務杜軍民之爭撫恤

彫殘民咸愛之見舊縣志及澧州志按丙寅府志

屬名宦但載連鄭一人查舊之丑縣志中
可紀者尚有八人自邵以下是也今補入

吳敦儀字式文休寧人由歲貢授岳郡丞辛度儒

雅文采彬然禮士愛民督解國稅殫心漕運無纖

毫弛廢兼攝慈利清田畝均賦役軍民戴德見舊

縣志

巴陵縣志

卷之十六

名宦上 二十七

趙世晉三韓人才幹敏捷器識精明由監貢授別

駕果於有為凡糧政捕務無不洞悉情形能令漕

儲充裕萑苻絕迹上憲奇其才兼攝茶陵平江龍

陽諸篆所至多惠政士庶常扳轅臥轍不忍去見

舊縣志按秩官志吳為同知趙為通判俱以康熙
四十八年涖任俱見丁酉縣志省府志所

遺今
補入

朱紉蘭號秋漪江西南昌人由翰林補外任通判

岳州權知縣事春容嫻雅無疾言遽色數月中境

內宴然

巴陵縣志卷之十六終

計二十七頁
尾無空行